



### **Komunikado for di Tourism Corporation Bonaire**

**Pa mas informashon tokante komunikado por tuma kontakto ku Ronella Croes, Direktora di TCB na (599) 717-8322**

Kralendijk – 23 Mei 2007

### **BONEIRU A RISIBI MAS BISHITANTE DEN ANJA 2006**

Kompará ku aña 2005 sifranan ta indiká subida den turismo segun TCB

Kompará ku aña 2005, 1.6% mas hende a bishita Boneiru den aña 2006. Pues den aña 2006 un kantidat di 63,552 turista a bishita Boneiru kompará ku e kantidat di 62,550 turista den 2005. Despues di a sufri un kaida leve di 1% den kantidat di bishitante nan na aña 2005, e total di bishitantenan a mehorá i e tendensia ta sigui mehorá segun sifranan preliminar di promé lunanan di 2007. TCB ta sumamente satisfecho ku esaki i ta mira ku despues di a analisá e promé mitar di aña 2006 unda ku resultado total ainda tabata negativo, turismo ta kresiendo i a kura di gòlpi di Air Jamaica ku a kanselá 3 di su 4 vuelonan semanal na aña 2005.

Por nota ku merkadonan Merikano, Sur Merikano i Karibense a subi i a kompensá un bahada ku tabata tin den e merkado for di Europa, ku a konfrontá difikultatnan den kapasidat di stulnan pa transportá turista.

Na 2006 e merkado Norteamerikano (Merka i Canada) a subi ku 6.7% kompará ku 2005. Mayor kousá ta e vuelonan nobo di Continental pa Boneiru, unda den un tempu record a logra un nònstòp Houston-Boneiru i un nònstòp Newark-Boneiru, kompensando asina pèrdida di 450 stul di Air Jamaica semanal na 2005. Den e situashon aktual Boneiru ta brinda bishitantenan mihó konekshonnan aéreo pa bishita nos isla.

E situashon aktual di ekonomia i turismo ta stabil i kresiendo. Si e situashon aktual keda meskos, e pronóstiko ta ku Boneiru lo por konosé un kresementu di no ménos ku 8% - 9% di bishitantenan Merikano den aña 2007.

Un análisis separá di otro merkadonan ta sigui den otro komunikadonan ku TCB lo saka.

Mas informashon ta optenibel den e Statistical Year Report 2006. Por tuma kontakto ku Joanny Sint Jago-Trinidad pa esaki na 717-8322 / [statistics@tourismonaire.com](mailto:statistics@tourismonaire.com).